



A Skenderija 72, 71000 Sarajevo, BiH

M dekanat@fpn.unsa.ba  
W www.fpn.unsa.ba

T +387 33 203 562  
F +387 33 666 884



## MEMORANDUM

### O RAZUMIJEVANJU, STRUČNOJ SARADNJI I UZAJAMNOJ PODRŠCI U ISTRAŽIVANJIMA U OBLASTI SIGURNOSTI

#### Zaključen između:

Policija Brčko distrikt BiH (u daljem tekstu Policija BD BiH), sa sjedištem Ciglana 8, 76100 Brčko distrikt BiH, koju zastupa šef Policije Goran Pisić.

i

Univerziteta u Sarajevu-Fakulteta političkih nauka (u daljem tekstu Fakultet političkih nauka), sa sjedištem u Ulici Skenderija broj 72, u Sarajevu, koga zastupa dekan fakulteta prof. dr. Sead Turčalo.

U daljem tekstu: Ugovorene strane.

#### 1. UVODNE ODREDBE

Imajući u vidu značajnu ulogu nauke i struke u unapređenju poslova javne sigurnosti kroz aktivnosti Policije Brčko distrikt BiH i Fakultet političkih nauka utvrdili su potrebu saradnje u oblasti sigurnosti koja se izučava i naučno-stručno verificira kroz nastavne i naučno-istraživačke aktivnosti Fakulteta političkih nauka.

Policija Brčko distrikt BiH izražava namjeru za saradnju, a Fakultet političkih nauka prihvata ponudu, da se budućim zajedničkim aktivnostima unaprijedi oblast javne sigurnosti u Brčko distrikt BiH. Imajući u vidu kompleksnost savremenog sigurnosnog okruženja, preventivne aktivnosti u smanjenju opasnosti i prijetnji postiže se isključivo zajedničkim-bilateralnim djelovanjem institucija.

Memorandum je potvrda opredijeljenosti ugovorenih strana za stvaranje novih struktura saradnje, odnosno novih sredstava i načina rada kako bi se eventualni uzroci objektivnih opasnosti spriječile ili smanjile.

Vidovi, oblici i vrijednost podrške, pomoći i saradnje uređuju se aneksima Memoranduma na osnovu inicijative ugovorenih strana.

#### 2. PREDMET MEMORANDUMA

Fakultet političkih nauka i Policija Brčko distrikt BiH imaju za cilj da uspostave saradnju na promovisanju akademske i institucionalne saradnje između dvije institucije.

Ovaj Memorandum će poslužiti kao opći okvir za institucionalnu saradnju a olakšat će dalje razvijanje specifičnih programa saradnje od obostranog interesa.

### **3. MODALITETI SARADNJE**

- 3.1** Predmet saradnje koju uređuje ovaj Memorandum podrazumijeva modalitete uzajamne podrške u oblastima:
- a)** naučno – stručne saradnje u razvoju metoda procjenjivanja i analiziranje sigurnosnih rizika i prijetnji i načina odgovora na rizike i prijetnje;
  - b)** organizacije i učešća u obukama, seminarima, radionicama, vježbama i drugim specijalističkim modulima usavršavanja i drugim značajnim događajima u Bosni i Hercegovini i u inozemstvu;
  - c)** ekspertne pomoći i razmjena stručnjaka u unapređenju i izradi strategijskih dokumenata;
  - d)** saradnja u programima osposobljavanja zaposlenih u organizacijskim jedinicama potpisnica ugovora;
  - e)** stručna pomoć u istraživanju za potrebe znanstvenih magistarskih i doktorskih radnji, što podrazumijeva i raspolaganje određenim podacima u obostranom interesu;
  - f)** proučavanje problema od zajedničkog interesa i načina njihovog rješavanja ;
- 3.2** U predmet Memoranduma će biti uključeni i drugi oblici saradnje u oblastima javne sigurnosti iz nadležnosti Policije Brčko distrikt BiH utvrđenih Zakonom o policiji Brčko distrikt BiH, o kojima Ugovorne strane postignu saglasnost.
- 3.3** Aktivnosti predviđene ovim Memorandumom će biti implementirane u toku saradnje između Fakulteta političkih nauka i Policije Brčko distrikt BiH kroz projekte čiji će sadržaj, ciljeve i ostale elemente uključujući i rokove i finansijske aspekte dogovoriti Ugovorne strane.

### **4. ODGOVORNOST ZA IMPLEMENTACIJU MEMORANDUMA**

Za implementaciju Memoranduma su odgovorni potpisnici. Ugovorne strane su saglasne da se u izradi i implementaciji projekata mogu angažirati naučnici, istraživači i eksperti kao vanjski saradnici. Za svaki konkretni projekt potpisnici Memoranduma će formirati stručna tijela, u ovisnosti od vrste i prirode projekta.

### **5. RELEVANTNI PROJEKTNI UVJETI UGOVORENIH STRANA**



Fakultet političkih nauka kao osnovni preduvjet saradnje naglašava akademsku autonomnost Fakulteta, shodno zakonskim i podzakonskim aktima koji uređuju pitanja naučno-istraživačkog rada.

Naglašavajući volju i spremnost da pomogne u realiziranju budućih projekata i saradnje Fakultet političkih nauka pravo autonomnosti rada adresira na pravo samostalnog odlučivanja o korištenju intelektualnih, materijalnih, finansijskih resursa po svim stavkama.

Policija Brčko distrikt BiH saglasna je i spremna da, shodno zakonima utvrđenim nadležnostima dogovara i ugovara s Fakultetom političkih nauka zajedničke aktivnosti iz Memoranduma u svrhu efektivne i efikasne realizacije zadataka u izgradnji i razvoju kapaciteta Bosne i Hercegovine za sigurnost, zaštitu građana i materijalnih dobara.

## 6. ZAVRŠNE ODREDBE

Svaka strana potpisnica Memoranduma u pisanom obliku može predložiti drugom potpisniku izmjenu, dopunu ili raskid ovog Memoranduma.

Memorandum stupa na snagu nakon što ga potpišu ugovorne strane.

Ovaj Memorandum o razumijevanju i saradnji potpisan je u 4 (četiri) istovjetna primjerka, gdje svaka ugovorna strana zadržava po dva primjerka.

Potpisano u Brčko distrikt BiH, 16.12.2021. godine.

Za Policiju



Br